

SIAYĚKEMACA SIABAI KĚOJĚNA KAYAYE KUI'NE JĚNA, PAIYE KAWESOSE'EPI SIAYE TUTU PAYE JAI TSUTSUPĚA OMETĚKANA

NUÑNEREPA SIA'WE'ÑA CAHUESOSE'E MAI PAI KĚKOPAYE

Kaya jĚna kou KĚna ometĚkawĚ sia'we'ña sewojĚ kui'ne canĚowĚ si'aye pai paija'ñe tutukĚ'ye, ĭti kĚaye kato pai'ji iye ñese saieoni. Icona tsoe paikona ñajĚ, jaipai tsi'sisito kakua'i señĚ ĭti toyapĚpĚ kĚawesojĚ'Ě sia'we'ña, jamaka ñasiko paija'kore siapai, kui'ne kĚajĚ paija'cua'ire toyaja'o ye'yewe'ñaje, yeke pa'yea'Ě kajĚ ñaņeje peoye ĭ wa'i kuasajĚ nese'e yekĚ yeja pai.

Ja'a wĚoko

Kase'epi de'oye, kĚne kui'ne jeoņe payĚ jaje, sia'we'ña ñase'erepare sa'nawĚ payĚ sia'yĚ'kĚ maka tutu, kui'ne sioma'ñerepare sia'pai tsĚkapĚ pai'ye.

Jaje paikĚta'a kuasayĚ ñama'ayepi kui'ne oima'ayepi, pa'iji sia'paire, japi ai jaiye ñese saniwesĚji pai pa'ijĚ kuasaye, kui'ne aijerepa kawesose'pi, jaje pa'ina kokase'e kayĚ de'oye pa'ie kui'ne de'oye pa'iyĚ kuasajĚ sewoye.

Jaje paise're yure kato ñasikua'irepa kui'ne kĚkopakua'i pa'ie pa'iji, kua'ye pa'ise'e jeoni paimakata'a pa'ie pa'iji nejo ma'kua'i.

Jamakata'à ñese de'oyerepa ñese saiye siwajĚ kui'ne pa'iyĚ yekĚwe'ña ñasikua'irepa.

YekĚwe'na yejaña kato de'oyerepa kuasani kuinaoni kanĚowesĚwĚ. Toya ja'wana pai tutukĚiwa'i paija'ne, de'oyerepa kui'ne iwa'irepa'Ě kajĚ, si'ayĚkĚmaka ěmĚowa'i kui'ne nomiowa'ije koni, tsoe jaje pa'ina jeowesowĚ ai jai kore, de'oye pa'iyerepare kasikua.

Iye kuasaye cato sewosikua kadĚowesĚja'core, oiyerepapi si'aye kuasajĚ, tsi'sisikua'ija're kawesĚ ja'ñe, si'aye oiye kui'ne tutukĚ'yerepa pa'ija'ñe jamakata'a kuade'oye pa'ie pa'iji pal.

Iye kato kuasase'ea'Ě si'aye tutupa'ie, jaje pa'ina iye kato ai de'oyerepa'Ě ĭti ñese saija'ñere kuasajĚ sewowesĚse'ea'Ě.

Tsi'sini jai pai koka kako

JĚaye kawesoyĚ yure

Si'aye pai tutu pa'ie kĚawesosikua, ikore kato si'a daripĚa kui'ne jaiwe'ñaje nesaoye pa'iji, te'owa'imaņaje kui'ne kua'me kokaiwe'ñamaņaje, ñese saye pa'iji de'oye kajĚ, jamakata'a si'adaripĚa pa'ie pa'iji de'oye kui'ne yeja pa'ie cĚni kĚojĚ.

Te'o ako kĚaye.

Si'apai aide'oyĚ kua'ye peoye kui'ne siayĚ'kĚ maka pa'ie kui'ne tutupaye koni, jaje kuasase'sĚtepi kuaju'i'ne peoye ñese saiye pa'iji kĚkaijĚ yekĚ paireje.

Kayaye ako kĚaye

Si'a pai payĚ tutu kui'ne kua'ye peoye yure ikore ai jĚaye kawesosido'ire, jaje pa'ina ñaņe peoji yekĚ paiña'Ě kajĚ, iyeje pa'yere, pai, koka, iowa'i pa'ie, kuasaye, pani iyese'e kayepañĚ kuasia'ye pa'ye, kuri pa'ye, aideo'ye kui'ne kuasi'aye pa'ie.

Kui'ne yekeje pajakua'ia'Ě kaye yeke iwa'i kuasayepi iyea'Ě kajĚ aijaidaripĚa sia'we'ñaje paniye yeja paiņeje ĭti paipi kuasajĚ neņe pa'iji, jai daripĚa kaye kato te'owaise're kaņeje pa'yea'Ě, iwa'ise'e kuasayepi nejĚ.

Toasoņe ako kĚaye.

Teo'wa'ije payĚ de'oye tutu pa'ie, kua'ye peoyeje koni, kui'ne kĚcojĚ pai pa'ie.

Kajese'e ako kĚaye.

Si'awa'i pa'ie peoji kua'ye jĚaye pa'ye kajĚ, kui'ne kua'ye yo'okuaņuņeje peoji, iye kato ěsese'ea'Ě sia'ye pa'ye.

Te'jĚtĚ ako kĚaye.

Jare si'apai kua'ye yo'okuaņoņe tipeoji, tĚ'caye, tseañe, wanijeañe paniye ai kuaye pa'ye.

Te'e jĚtĚ ĚjatupĚ kĚako.

Si'apai payĚ tutu, sia'we'ña kui'ne ñakuaņuņeje pa'iji pai karepase'e pa'ie.

ĚjatupĚ kĚnope.

Si'apai pa'iyĚ sia'yĚ'kĚmaca kui'ne payĚ yekua'ia'Ě kaye peoye, jaje pa'ina Si'awa'i payĚ tutu karepaye akĚpai

kē'ro. Jaje pa'ina mai tutu payepi de'oye pa'iyepa'iji, tsoe ikore kawesosidoipi kokaiji kua'ye kaye peoye pa'ija'ñe.

Kayaye te'ejētē ako kēaye.

Si'a pai tutu payē de'oye pa'iyere kuasajē yekēwe'ña sañupe kajē, mai kase'pi kokaijakē kua'ye yo'oma'kuai'ni kajē mai tutu kē'ye paiye, jeje paina maire toyapēpēpi kakorepa pa'ijakē.

Te'e jēña Ējatupē peoye kēako.

Jare peoji mal tsea kuañuñe.

Kaya jēña ako kēako.

Si'a pai payē deoye paiye, si'ayē'kēmaka paiye, jamakata'a sia'we'ña asasaoye pa'iji kui'ne oirepayepi kua'ye paise'eje carojaiye pa'iji kui'ne kuañeñe paiji neñañe paiji kuasia'ye pa'ye iti kase'e sa'ñe pa'ie.

Kayajēña te'o ako kēako

Si'a pai kua'ye yo'o sikua'i payē tutu iwa'i yo'ose'e jayuta'a iti ñati'añe pa'iji do'ikē'ye, iti kase'je paiye, kui'ne kaye paiji sia'we'ña jamaka kase'repa pa'iji tutu pa'ye.

Si'a pal peoji kua'ye paye painije siokuañuñe ja yuta'a ñati'ama'maka kato, jaje pa'iji tutu pa'ye yekē daripēa paiyeje. Jaje paina peoji maipi caye de'oye nede'waē'ēje pa'yere aijerepa kua'yena saiye peoye.

Kaya jēña kayaye ako kēaye.

Mai teowa'i paiye kato peoji kaye kua'maña'ē kajē ñese kaye, mai tsēkapēreje, mai paiwe'ñaje panije ise'e pa'ito peoji kua'aye neñeje peoji ipi kuasakē pa'ie. Jaje pa'ina si'a pai payē de'oye pa'ie, jaje paina nejo jeoñe paiji kua'ye paise'e.

Kaya jēna kayaye te'o kako kēaye.

Si 'a pai payē deoye daoye sia'we'ña kui'neje yeja pēañeje koni.

Si 'a pai payē tutu kuasi'adaripēa, ipaidaripē, jaje saisikēre ta'a ko'ie pa'iji i mai daripēna.

Kaya jēña Ējatupē peoko ako kēaye.

Kue'kua'i pa'ito, sia'pai payē tutu kē'ye payē katiye paiji kuasia'yejaña, jamaka siwajē pa'ie pai'ji iti ku'ase'e.

Iye pa'ye kato peoji sa'ñe kua'ye neñe, kua'ye payena, panije sa'ñe kayeje peoji yekē jaiwe'ña pai yejaña'ē kajē.

Kaya jēña yekē jētē ako kēaye.

Si 'a paije tutu payē pai paiyerepa

Jare peoji ēseye i pa'iwe'ña yeja akēre, yekeje tipeoji kaye yēkē pa'iñeje paijē'ē kajē.

Kaya jēña yekē jētē te'o ako kēaye.

Ēmēowa'i kui'ne nomiowa'i, jayuta'a ēañawēomakapi tsoe payē tutu, kaye peoji kaje paiña'ē, iti pai'ē kajē wejaye, jamaka wejani siwajē pa'ie pa'iji kuineje pa'iji jeokoni de'oye pa'ie itibi jaje pa'ito.

Iwa'ise'e kuasajē kui'ne ējēpaija'kēpi kuasani wejaye pa'iji.

Paitsēkapē Kato de'oye paiyere'pa'ē jaje paina ñacairepayē sia'we'ña akē pa'ie.

Kaya jēña yekē jētēkayaye ako kēaye.

Si'a pai payē tutu pa'ie yeja, te'iwa'i kui'ne si'apai de'otsēcapēa.

Jare peoji yē'ē tsekua yeja kajē ēseye.

Kaya jēña yekē jētēkayaye te'o ako kēaye

Si'apai payē iwa'ise'e kuasaye, iwa'i paiye, iye Kato pa'iji si'aye nedewaye iti sewoye, kui'ne koka kaye kuasia'ye sia'we'ña paiwe'ñana, panije te'owa'ise'e pa'iwe'ñaje koni, iti ye'yayepi, neñañepi, sewoyepi kui'ne ñasaoyepi, iyepi pa'iji maire de'oye saye.

Kaya jēña yekē nekayo beoko ako kēaye.

Te'owa'ije de'oye payē iwa'ise'e kuasaye kui'ne koka kayeje, iyepi tsi'siji kua'ye pa'ije, josa kakuañujē paima'ñe kui'ne japi kawesorepaye pa'iji, yekeje kaye peoji ikoja'a pa'iji kaye, iyese'e kaye paji, kuasi'aye de'oye saija'ñere.

Jēña-nēkañua

Si'awa'i te'owaise'e tsi'sini koka kaye payë kuasia'hue'ña.

Jare peoji kuañeñe yekë tsëkapëna tsioni paiye.

Jëna-nëkañua - te'o

Si'a pai payë tsiojaiye mai akërepa kë'ro, ikë'rorepana te'repapi panije yekë paija're koni iti ñakëja're.

Si'a pai tutupayë si'ayëkëmaka paiye kua'me nedojaye mai paiwe'ña yeja.

Itidaripëa paikua'i kato payë sia'we'ña akua'i kayere, iye kato kokaiji kaji mai ëjaëwa'irepare mëojë saiye, iti mëoñe kato neñe yawese're, japi kokaiji de'oye karepayepi mëose'e.

Jëña-nëkañua kayaye

Si'a pai, ititsëkapëje paiwa'i payë kadëose'repare kuasi'aye kui'ne jaje pa'ina si'a akëpai kokaiye paiji, ja tutu do'ire kuasajë, jaje pa'ina tsoe kuasase'pi kuri pa'ie, kuasi'aye kui'ne maipaiye, iye kato mai kuasayepi nesaøjë paiye paiji sia'yëkë maca pa'yepi .

Jëña-nëkañua toasoñe

Si'a pai payë kua'me nedojaiye kuasia'we'ña, iwa'i yëyepi tia'ñe paiji kua'meneñe, jaje paikëreta'a si'ayë'këmaka paipi, jaje paina kua'ju'iñe peoye kua'me newe'ña tra' ni, nejë pai'ye baiji, peokua'i pa'ie peoji.

Si'a pai payë kui'ne pa'ye tutu, jaje pa'ina kui'ne ja'ñe kua'meneñe ti'añe pa'iji.

Si'a pai kua'me neñe tutu payë kui'ne ja'ñe pa'yë, jaje pa'ido'irekui'ne ja'ñe kuri neñepa'iji, nede'huase'e pa'ina de'oye mai tsëcapëje deo'ye kuasajë baija'ñe, io paire kañeje paiye, yekebi karasiko pa'ito neti'añe pa'iji.

Si'a pai payë tutu iwai'pi kuasajë tsi'sini neñe, iwa'i yëyere.

Jëña-nëkañua Kajese'e

Si'a pai payë tutu kua pëawajëjë pa'ie, siwajë pa'ie ioja'ye kua'mene' ometëkawë tja'seja'ye kui'ne iye pa'ie kato sa'ñeñe pa'iji.

Jëña-nëkañua jëtëna

Si'a pai payë mai paiye kadëose'repare, iye pa'yere, mai pai, jujukaiwe'ña kui'ne de'oye paiye sia'ye, aq aiñe, kaña ju'ie, wë'ña pa'ie, juikua'ire jujukaiye kui'ne kuasia'ye, yeke payë kui'ne pa'ye kua'me newe'ña paiwe'ña peoye, juidawë, do'ima'pai, aipë maña, iyese'e paiyeje pani kuasia'ye iwa'i te'owa'i pa'iñeje pa'ye.

Kui'neje pa'ye ëtapë këiwa'i kui'ne tsi mana payë tutu de'oye kokaiyere. Si'a tsi wejani aidewasicoa'i panije kua aide'wakua'nusikua'i payë kui'ne pa'i tuture.

Jëña-nëkañua jëtëna te'o

Si'apai payë kui'neja'ñe totyaja'o ye'yeye. Toyaja'o ye'yeye kato peoji doiye ja'a ye'yehuëje pa'ye kato. Ja'a ye'yewëoye kato ai kuañeñe paijija'kua. Kui'ne toyaja'o nekaikua'repare kato ai jaiye nesaose'e pa'ijakua, kui'ne aijerepa aye toyaja'o ye' yeye kato' kui'ne paiji sia'waire, iq ai do'iko do'ire.

Toyaja'o ye'yeye kato mai pai de'oyerepa pa'ija'ñea'ë, jaje paina toyaja'o kato itirepa'ë sia'we'ña mai kua'ju'ijë pa'ie, de'oye pa'iyë kajë, paire sa'ñe oijë koka kaye, japi pa'ina mai ñese saiye pa'iji, siwajë.

Pëkaja'këpi ñani tseañe paiji toyaja'o ye'yeye i mamakëre kokaiyere kuasani.

Jëña-nëkañua jëtëna kayaye

Mai aipë ukujë paise'e sia paije payë ukuye mai pa'idaripëakë'ro, siwajë mai tsea'ë kuasajë kui'ne tideo'ye paito tia'ñepa'iji.

Si'a pai payë iwa'i yëyepi toyaja'o nesaoye, iwa'i kuasayepi, netijini jaiye toyapëpëa etosaoye, jaje paita'are te'owa'ise'e paye pa'iji iti toyapë akë.

Jëña-nëkañua jëtëna- toasone.

Iye maire carepawesose'e kato si'a pai tutu paye pa'iji yekë yejaña kë'roje ñase'repa, jaje paina itirepa pa'ie paiji iye.

Jëña-nëkañua jëtëna kajese'e

Si'a pai payë maire kuañese'e mai pa'idaripë kë'ro, maipi de'oye nejë de'oye neto saji mai paiye.

Iye neñañekato mai këkopayea'ë kui'ne siwajë paiye, kato sia'pai paija'kua'ia'ë toyapë akëpai kase'pi, itikato kanëose're maire kokaija'ñere kui'ne oiye paise'e, kui'ne kuañeñe paiji iti mai kuasayese'e, kui'ne de'oye paiyére kajë sia'we'ña mai yëye pa'yere.

Iye tutukë'ye kato peoji yekua'ipi dekaikaiye iti paiye kui'ne iti tsoe yekëwe'ñaje kase'e pa'ito.

Jëña-nëkañua jëtëna.

Jare iye kawesosikore jare peoji yekë paipi iwa'i kuasayepi dani nejë neño'o kajë nedojaye, paije te'e pai dani iye kato akëpai tsea'ë kajë kuasia'ye nedojaiye peoji, iye kato tsoe kawesosikore.